



Finansirano sredstvima
Evropske unije



POZIV ZA

Razvoj www.eurcenter.ba online platforme sa aplikacijama/modulima za prijavljivanje, e-bibliotekom, a koja će služiti za umrežavanje, koordinaciju i razmjenu informacija o oblasti borbe protiv trgovine ljudima u sklopu projekta:

„Glas organizacija civilnog društva u borbi protiv trgovine ljudima“

Aktivnost 5.8.1.1. - Razvoj www.eurcenter.ba online platforme

Poštovani,

pozivamo vas da podnesete ponudu za pružanje usluge razvoja www.eurcenter.ba online platforme u sklopu provedbe projekta „Glas organizacija civilnog društva u borbi protiv trgovine ljudima“ koji podržava Evropska unija.

Opis projekta kao i aktivnosti te odgovornosti angažovanog stručnjaka predstavljeni su u dokumentu u prilogu (opis usluge) koji čini sastavni dio ovog poziva.

Prijava na poziv treba sadržavati ponudu za pružanje usluge, kao i tri reference o predhodnom angažmanu na sličnim poslovima.

Prijave dostavite na e-mail sarajevo@mfs-emmaus.ba, do 23.11.2021. godine, sa naznakom prijava na poziv za razvoj www.eurcenter.ba online platforme.

OPIS USLUGE

**Razvoj www.eurcenter.ba online platforme sa aplikacijama/modulima za prijavljivanje, e-bibliotekom, a koja će služiti za umrežavanje, koordinaciju i razmjenu informacija o oblasti borbe protiv trgovine ljudima u sklopu projekta:
„Glas organizacija civilnog društva u borbi protiv trgovine ljudima“**

Aktivnost 5.8.1.1. - Razvoj www.eurcenter.ba online platforme

1. OSNOVNE INFORMACIJE

1.1. Projekat

Projekat „Glas organizacija civilnog društva u borbi protiv trgovine ljudima“ realizuje se uz podršku Evropske komisije.

1.2. Geografsko područje projekta

Bosna i Hercegovina.

1.3. Naručilac usluga

Međunarodni forum solidarnosti MFS- EMMAUS.

1.4. Općenito o projektu

Fokus projekta je na sprječavanju trgovine ljudima i rodno utemeljenog nasilja u BiH i širem regionu jačanjem kapaciteta vlade BiH i relevantnih profesionalaca, kao i organizacija civilnog društva, te povećanje njihove ekspertize o pristupu borbi protiv trgovine ljudima u BiH usmjerenom na žrtvu. Jačanjem kapaciteta organizacija civilnog društva (OCD) u Bosni i Hercegovini (BiH) za razvoj politika, institucionalno praćenje i zaštitu ljudskih prava i prava žena u EU, posebno žrtava trgovine ljudima i rodno utemeljenog nasilja daje se podrška i osnažuju se OCD širom BiH da aktivno učestvuju u suzbijanju trgovine ljudima, uključujući jačanje njihovih unutrašnjih kapaciteta i organizacionih struktura kako bi se osigurala održivost u složenom BiH okruženju. Projekat pomaže ponovnoj uspostavi uloge organizacija civilnog društva (OCD) kao vitalnih za razvoj, vladavinu zakona, integraciju i pravdu. Obnovit će temeljne vrijednosti civilnog društva i njihove statutarne aktivnosti, te raditi na promovisanju i podržavanju tolerancije, solidarnosti i uzajamnog poštovanja u društvu, osiguravajući demokratsku konsolidaciju, socijalnu pravdu, poštovanje ljudskih prava, jačanje partnerstva između lokalnih vlasti i OCD -a; pružanje pomoći u rješavanju potreba građana, prije svega potreba žrtava trgovine ljudima, osiguravajući zaštitu ljudskih prava i vrijednosti EU.

1.5. Ciljne grupe projekta

Primarna ciljna grupa/korisnici su organizacije civilnog društva u Bosni i Hercegovini koje pripadaju dvjema kategorijama:

- (1) Organizacije civilnog društva uključene u aktivnosti na suzbijanju i borbi protiv trgovine ljudima, naročito one organizacije koje žrtvama pružaju sklonište i direktnu asistenciju, besplatnu pravnu pomoć, psihološku pomoć za žrtve-svjedoke te organizacije civilnog društva koje vode dnevne centre za djecu, osobito djecu koja žive i rade na ulici i u riziku su od trgovine ljudima te
- (2) Organizacije civilnog društva koje rade u srodnim oblastima kao što su rodno utemeljeno nasilje, ljudska prava, obrazovanje, mladi, građanska uključenost, jačanje i otpornost zajednica koji će uz obuku za borbu protiv trgovine ljudima doprinijeti naporima na smanjenju trgovine ljudima u rodno utemeljenom nasilju u BiH čime se direktno doprinosi podršci za:

- a) potencijalne i identifikovane žrtve trgovine ljudima;
- b) djecu i mlade u riziku od trgovine ljudima i rodno utemeljenog nasilja, uključujući maloljetnike bez pratnje i druge migrante pod rizikom a koji trenutno borave u BiH;
- c) druge ranjive osobe, marginalizirane i ugrožene grupe u BiH;

Sekundarna ciljna grupa projekta su Predstavnic i profesionalci relevantnih vladinih institucija i organa na svim nivoima vlasti u BiH koje se bave problematikom trgovine ljudima i aktivnostima suzbijanja rodno utemeljenog nasilja koja će imati koristi od povećanog učešća civilnog društva u aktivnostima na suzbijanju trgovine ljudima a što su:

- a) Državni koordinator za borbu protiv trgovine ljudima, Odsjek za borbu protiv trgovine ljudima pri Ministarstvu sigurnosti Bosne i Hercegovine,
- b) Udarne grupa za borbu protiv trgovine ljudima u BiH,
- c) Novouspostavljeni multidisciplinarni koordinacioni timovi za borbu protiv trgovine ljudima

1.6. Cilj, svrha i očekivani rezultati projekta

1.6.1. Opći cilj projekta

Sprječavanje trgovine ljudima u BiH i širem regionu, te unaprjeđenje kapaciteta relevantnih profesionalaca na identifikaciji žrtava trgovine ljudima, kao i pružanja kvalitetne pomoći. Projektom će se poboljšati multisektorska saradnja u rješavanju slučajeva trgovine ljudima, a posebno će koristiti novouspostavljenoj koordinacionoj strukturi gdje veći broj predstavnika institucija imaju ograničeno znanje i iskustvo da bi se nosili sa različitim aspektima trgovine ljudima. Poboljšanjem prikupljanja statističkih podataka vezanih za trgovinu ljudima, informacijama o realiziranim aktivnostima, trendovima trgovine ljudima i povezanom problematikom poboljšat će se mehanizam izvještavanja prema Državnom koordinatoru.

1.6.2. Svrha projekta

Projekat je usmjeren na:

- izgradnju i unaprjeđenje kapacitete OCD-a o suštinskim pitanjima vezanim za trgovinu ljudima i rodno utemeljeno nasilje;
- izgradnju i unaprjeđenje kapaciteta relevantnih državnih aktera za rješavanje problema trgovine ljudima i rodno utemeljenog nasilja koji je u skladu s međunarodnim standardima, propisima EU i nacionalnim zakonodavstvom kroz
- veće uključivanje OCD kao partnera u nizu procesa, kao što su identifikacija žrtava, upućivanje, zaštita i reintegracija, kao i mehanizmi i prakse razvoja politika i izvještavanja;
- stvaranje jače saradnju među profesionalcima u relevantnim tijelima i koordinacijskim timovima i OCD-ima kroz okupljanje na obukama i podizanjem kapaciteta za pomoć i zaštitu žrtvama;
- podizanje svijesti kroz kampanju namijenjenu javnosti u BiH i jačanje prevencije uspostavljanjem multimedijске platforme www.eurcenter.ba;
- upotrebu pod grantova da se podrže najmanje tri (3) OCD u podizanju finansijske stabilnosti, operativne strukture i održivosti;
- davanju doprinosa razvoju politike o suzbijanju trgovine ljudima izradom Izvještaja o praćenju politike čiji je cilj prvenstveno rješavanje nedostataka NRM -a;
- pružanje direktne pomoć žrtvama.

1.6.3. Očekivani rezultat projekta

Smanjenje trgovine ljudima u BiH i širem regionu, unaprjeđenje identifikacije žrtava trgovine ljudima, pružanja kvalitetne pomoći, jačanje kapaciteta predstavnika institucija BiH i profesionalaca, organizacija civilnog društva te unaprjeđenje njihove ekspertize u saradnji, izgradnji partnerstva i pristupu borbi protiv trgovine ljudima i rodno utemeljenog nasilja u BiH. Kao rezultat projekta, stanovništvo BiH će bolje razumjeti ulogu i odgovornost organizacija civilnog društva te će imati koristi od boljeg razumijevanja rizika koji dovode do trgovine ljudima.

2. DJELOKRUG RADA U SKLOPU UGOVORA

2.1. Opis posla i angažmana

MFS-EMMAUS angažuje stručno lice za razvoj www.eurcenter.ba online platforme sa aplikacijama/modulima za prijavljivanje i e-bibliotekom, a koja će služiti za umrežavanje, koordinaciju i razmjenu informacija o oblasti borbe protiv trgovine ljudima.

Razvoj www.eurcenter.ba online platforme uključuje izradu strukture i sadržaja platforme, dizajn, osnovni identitet, oblikovanje i programiranje platforme za samostalno ažuriranje sadržaja te izradu responzivne internetske stranice koja se prilagođava mobilnim telefonima i pametnim telefonima.

Stranica će se sastojati od minimalno sljedećih kategorija: *Počtna stranica, O nama, Trgovina ljudima, Statistike, Zakoni, E-biblioteka/Resursi, Vijesti, linkovi, Kontakt* a sukladno dolje datom objašnjenju.

Objašnjenje:

MFS-EMMAUS želi pozicionirati www.eurcenter.ba u BiH kao multimedijalni resurs i platformu za koordinaciju namijenjenu Organizacijama civilnog društva, vladine institucije i druge aktere uključene u aktivnosti borbe protiv trgovine ljudima u BiH i regionu. Istovremeno, u sklopu platforme će se razviti jedinstven i inovativan mehanizam prijavljivanja, zasnovan na registrovanom povećanju upotrebe digitalnih tehnologija za regrutovanje žrtava trgovine ljudima i nasilja nad ženama, koji će služiti žrtvama, ali i pojedincima u opasnosti, zainteresovanim stranama i široj javnosti da prijave incidente trgovine ljudima i – u slučaju da prijavu vrši žrtava, da ista može tražiti dalju pomoć i zaštitu. Online platforma www.eurcenter.ba treba se razviti po uzoru MFS-EMMAUS-ov Centar za sigurniji internet u BiH <https://www.sigurnodijete.ba> i njegovom SOS linijom za prijavljivanje slučajeva seksualnog zlostavljanja djece na internetu, kao i pratećih procedura prijavljivanja, kako bi se povećala mogućnost identifikacije žrtava trgovine ljudima te pristup dostupnoj pomoći i mehanizmu za upućivanje u sistem zaštite.

Platforma treba biti dizajnirana u skladu s najnovijim digitalnim standardima, privući djecu i mlade u riziku od trgovine ljudima, edukatore i akademsku zajednicu, zainteresovane strane, organizacije civilnog društva i stručna lica koja se bave ovom problematikom da platformu koriste kao resurs za podizanje svijesti i prevenciju, da je koriste za razmjenu znanja, informacija o aktivnostima i resursa. Sadržajno, platforma treba pružati sveobuhvatne informacije o trgovini ljudima i rodno utemeljenom nasilju, uključujući sadržaje o zakonodavstvu, modalitetima i praksama; e-biblioteku sa resursima i materijalima o problematici trgovine ljudima, uključujući audio i video izvore i materijale za obuku, kao i smjernice, materijale korisne za istraživanja te statističke podatke o trgovini ljudima u BiH, regiji i svijetu. Platforma će također sadržavati vezu/link prema Ministarstvu sigurnosti BiH/Odjelom za borbu protiv trgovine ljudima a sa namjenom da služi kao centralni mehanizam za koordinaciju i razmjenu informacija za lokalne i međunarodne aktere, posebno organizacije civilnog društva uključene u suzbijanje trgovine ljudima, radi poboljšanja umrežavanja i koordinacija aktivnosti trgovine ljudima u zemlji.

Organizacije civilnog društva i druge zainteresovane strane moći će koristiti platformu kao informativni i koordinacioni resurs, ali i podršku za aktivnosti podizanja svijesti kod potencijalnih žrtava, posebno djece i mladih u riziku, o mogućnosti prijavljivanja i traženja podrške i upućivanja na pomoć.

2.2. Svrha ugovora

Svrha ovog ugovora je angažman stručnog lica (pravno ili fizičko lice) a u svrhu realizacije aktivnosti (navedenih pod stavkom 2.1).

2.3. Očekivani rezultati

Razvijena platforma www.eurcenter.ba koja služi kao multimedijalni izvor informacija, podrška za koordinaciju te alat za prijavljivanje.

3. LOGISTIKA I ROKOVI ANGAŽMANA

3.1. Odgovorno tijelo

Međunarodni forum solidarnosti – EMMAUS (MFS-EMMAUS)
Ured u Sarajevu
Paromlinska 10,
71000 Sarajevo, BiH

3.2. Datum početka i trajanja angažmana

Angažman stručnog lica (pravno lice) traje od potpisivanja ugovora do 30. januara 2022. godine a po sljedećoj dinamici:

- unutar 15 dana po sklapanju ugovora o saradnji izraditi nacrt opisane multimedijalne platforme i predstaviti rješenje timu MFS-EMMAUS-a,
- da do 15. januara 2022, godine www.eurcenter.ba bude razvijena, testirana i odobrena.

3.3. Ostali uslovi ugovora

Eventualni troškovi, kao što su npr. troškovi putovanja, smještaja, komunikacije, dnevnice i sl. se smatraju dijelom ovog ugovora i uključeni su u ukupnu naknadu stručnjaka. MFS-EMMAUS neće snositi troškove nabavke opreme potrebne za realizaciju aktivnosti navedene u ugovoru, niti obezbjediti uredski smještaj za ugovorom angažiranu osobu.

4. ZAHTJEVI ZA REALIZACIJU USLUGA/POSLOVA DEFINIRANIH OVIM UGOVOROM

4.1. Kvalifikacije i vještine

- Dokazano iskustvo na istim ili sličnim poslovima;

5. REZULTAT

5.1. Obaveze po rezultatima

Izvršilac se obavezuje da će do 15. januara 2022. godine izvršiti ugovorene obaveze.

6. POSEBNI ZAHTJEVI

Rad na projektu „Glas organizacija civilnog društva u borbi protiv trgovine ljudima“ je specifičan obzirom na povjerljive informacije koje se obrađuju. Uz potpisani Ugovor, izvršilac je obavezan potpisati da će poštivati procedure MFS-EMMAUS-a koje su utemeljene u Etičkom kodeksu i Politikama zaštite djeteta, te se obavezuje potpisati Izjavu o povjerljivosti podataka.

APLIKACIJSKI FORMULAR/FORMULAR ZA PRIJAVU

1. OPĆI PODACI KANDIDATA/PONUĐAČA

Ime i prezime	
Organizacija	
Adresa	
Telefon	
Fax	
E-mail	

2. FINANSIJSKA PONUDA

Ponuda na osnovu opisa usluge*	
---------------------------------------	--

* Projekat „Glas organizacija civilnog društva u borbi protiv trgovine ljudima“ koji podržava Evropska unija te je nabavka roba i usluga oslobođena PDV-a. Stoga vas molimo da cjenovna ponuda bude bez uračunatog PDV-a.

3. REFERENCE KANDIDATA/PONUĐAČA

Br.	Publikacija/provedene edukacije /treninzi/projekti	Organizacija	Kratak opis

- dodajte kolone ukoliko je potrebno

4. IZJAVA

Ja, dolje potpisani izjavljujem da sam upoznat sa obavezama kandidata/ponuđača u slučaju dodjele ugovora po ovom pozivu.

Ime	
Potpis	
Datum	